



Claudii Fleurii Abbatis Historia Ecclesiastica

Ab anno Christi 1541. usque ad annum 1546

Fleury, Claude

August. Vind. [u.a.], 1770

VD18 90118510

§. 123. De Peccato originali ab Adamo in nos propagato.

[urn:nbn:de:hbz:466:1-66615](#)

Episcopus ex eodem sacro Ordine aliam Sæcul. XVI.
S. Thomæ doctrinam in medium pro- A C. 1546.
tulit.

§. CXXIII.

*De Peccato originali ab Adamo in
nos propagato.*

Circa secundum articulum major erat *Pullav. n. 5.*

opinionum varietas; agebatur enim de modo, quo hoc peccatum ab Adamo in nos transfundi possit: hanc in rem Joannes Fonseca Castellomarinus, seu Stabiensis Antistes ita sententiam suam exposuit: *Hujus noxae propagatio in posteros, a quibus voluntarie commissa non est, declarari facile potest Regis exemplo, qui oppidum ita concederit alicui subdito, ut illud tam ipse, ejusque posteri beneficiario jure possideant, dummodo is a fide Principis non desciscat: ubi enim ille desciverit, oppidi possessione spoliatur universa ipsius progenies nec idcirco huic conqueri licet pñnam sibi non justè inflidam; cum potius deberet Principi grates agere, qui ob factam primo Parenti liberalem donationem oppidi, posteros omnes illius hæreditarice ditionis capaces reddiderat.* Hujus beneficiarii dominatus similia fuere decora Iustitiae originariae, quæ Deus liberaliter Adamo contulit, eorumque spoliatio est macula originalis. Hoc exemplo nonnullis visum est haud plane satisficeri propositæ declarationi; illud enim,

aje-

Sæcul. XVI ajebant, neutquam declarat, transmitti
 A.C. 1546. posse culpam Genitoris in posteros, sed so-
 lum pœnam. Re ipsa tamen satis illud
 erat intentæ a Fonseca explicationi, per
 quam solum exponere contendebat, quo
 paðto Deus ob alterius noxam absque inju-
 stitia mulcere nos posset: Qua vero ratio-
 ne hujusmodi noxa nostra omnium culpa vo-
 cetur, alterius est questionis; id vero ap-
 posite explicavit Paschalis, similitudi-
 nem a S. Thoma mutuans. Quemad-
 modum enim, inquietabat ipse, nostrum
 membra, quamvis libertatis ac rationis expertia,
 dicuntur ex eo delictum patrare, quod ad
 operis illiciti deformitatem moventur ab im-
 perante animi facultate, quæ in eo peccat:
 non aliter infantes, quamquam nihil volun-
 tarie de se commiserint, unde in eo statu tot
 bonis vacuo, & nec hominis fini, nec debi-
 tæ Deo subjectioni consentaneo nasci debi-
 rent; dicuntur tamen in Adamo peccasse,
 quatenus is, qui naturam humanam in sua
 fœcunditate integre continebat, suaque in ele-
 ctione bonum malumve illius naturæ statum
 effecit per voluntarium delictum, ut universa
 sui generis posteritas cum ea macula, eaque
 perversione nasceretur. Præterea ad hoc
 clarius exprimendum, S. Thomam pa-
 riter adduxit; ubi observat, in Adamo
 ab ipsius peccati macula naturam contami-
 natam; contra vero in nobis a naturæ ma-
 cula nos ipsos contaminari.

Fusius

Fusius adhuc de eodem argumento
alius quidam Doctor differens, Zwing-
lium inter recentes hæreticos præcipue
circa originale peccatum aberrasse o-
stendit.

Sæc. XVI.
A.C. 1546.

§. CXXIV.

De malis a peccato originali pro- ductis.

Postea tertius articulus de malis toti *Pallav. n.7.*
humano generi per peccatum origi-
nale infictis ad examen vocabatur:
Apud Ecclesiam, ajebat Præfulum non
nemo, certum est, Adamum præter acce-
ptas naturæ dotes habuisse ex mera Dei libe-
ralitate reclam animi habitudinem atque ju-
stitiam, quam si custodivisset, immortalita-
tem in se suaque stirpe possedisset, & in ip-
sam cuncta eadem bona transmisisset. De
ceteris prærogativis, cuiusmodi foret scien-
tia de stellarum motibus ac virtute. Scripto-
res minime concordant, an illæ non minus
hæreditarice futuræ fuissent. Deinde cer-
tum est, Adamum peccasse violata Numinis
obedientia, indeque se suamque familiam per-
didisse, & etiam, seu quod vetitum pomum
comederit, seu quidquam aliud pariter veti-
tum perpetravit, in delicti pœnam sibi suæ
que posteritati divinam gratiam amisisse.
Tum vero quartum articulum leviter at-
tigit, dixitque, ab ea pœna, quam Apo-
stolus mortem appellat, hominem non nisi
Hist Eccl. Tom. XXXVIII. Pp Ba-